

洪楊黨魁

石達開日記



石達開日記

出京渡江
得成天義
黃某軍

計攻廬州

途中感想

太平天國龍飛八年春王三月予由天京渡江過江浦出含山得成天義黃某全軍卽奪之趨廬州黃某亦粵西人也本富家子嗣爲墨吏所阨乃舉家求天軍保護初隸東王帳下後於武漢立功東王欲以楚北一方相屬韋氏意不然恐東王黨羽太盛乃使帶兵攻皖南予於九袱洲之役與之締交談計頗相中至是方守六安州聞北韋殘虐狀亦投袂裂眦自請以軍助予謂廬州方爲魔官所苦不如取之爲立足地予意亦欲西立取其符發兵席不暇煖也是日爲三月十六日僅在黃營中進食少許作檄文告示數通十七日天黎明予卽令黃某之將佐充先鋒隊拔營起程予策馬出郭門朝瞰甫上春色可人柳葉青青向客如笑惟乍經兵燹各處村莊時有赭垣斷瓦此亦一時浩劫彼魔官恣意剝削致激成兵禍天心仁愛當不使久罹水火之中予誓掃蕩中原功成不居何忍多殺特不知中朝諸兄弟能否體此

抵周村

救一女子

意耳。卽如今日見此春景。不覺感動。滿腔生意。恨不能立刻拯救。黎庶共享。太平之福。堯天舜日。士女嬉游。予昨在某營所見。古畫中有清明上河圖。寫宋時京都恬熙宴樂之狀。歷歷如睹。不知他日天京同有此樂否。馬馳頗疾。且馳且思。已抵一村。落曰周村。居民數百家。大半流亡。室宇空虛。噫。兵凶戰危。何日得布天朝恩澤也。士卒飢疲。卽令打尖造飯。予入一巨室。小憩焉。因語諸同行者。不可戕殺良民。亦不必過事搜括。但稍借糧餉已足。多携財物。豈能久享。予甚不取也。予記室陶君裨將陳某。均能知予意。遇之者莫不感激。惜軍中好惡各異。聞前此經過者。奸擄焚殺。無所不至。故予來尙多遁伏。深山不敢聲。偶涉足後園。聞小亭中有呻吟語。往視之一披髮女子。狼藉臥地上。面目暫澤而憔悴。痛楚厥狀可慘。衣履亦不完。不問可知爲亂兵蹂躪者。見予有懼色。予因詢其是否此宅中人。則以語音扞格不能通。郵時予方新得一書記吳某。亦舍山人。亟令視之。則相見大哭。乃其妹也。遂委托焉。贈以養病資十金。予心乃大慰。噫。予軍中無必欲毀人家室之意。奈良莠難辨。

石氏全家
被戮

感懷詩二
首

滿將江忠
烈公戰績

玉石不分亦情勢。應爾但望早日太平耳。晚戍刻予方傾釀。澆愁倚醉欲臥。
忽親隨通告。言外帳傳言有一奇異之人爲邏者所疑。縛致門下。奴適過其。
前。彼呼奴名視之。舅爺盧大人也。亟報王爺如何發落。予乃立命解縛送之。
入果盧某予之長妾胞弟。問其所歷。淚流滿面。嗟乎。予妻妾子女十餘人。無。
辜受屠割。固已可慘。孰知予母以風燭殘年。竟罹此厄哉。予大慟。幾暈恨不。
能立時反戈手戮仇讎。以抒冤憤。否則亦當自殊。見老母於重泉左右。均來。
勸慰。予思苟得廬州安慶九江席捲武漢。再與彼等一決雌雄耳。計既定。齧。
指自誓。哭稍止。乃作詩二首。自寫。狐鼠縱橫慣噬人。無端衝破一家春。夜。
闌試向城頭望。何處妖星亘若輪。行行才過古昭關。千古同嗟奸與頑。淚。
灑九泉收不得。白雲誰望太行山。吟畢。天已向明。遂亦不睡。
十八日。由昭關出小峴山。予率兵約三千人而弱。卽日促廬州時滿守將爲。
湖南姓江者。聞其忠勇敢戰。實官場不可多得人物。但據知者言其人初本。
書生。讀韜略。卽明兵法。自訓練子弟。投効公家。亦奇才也。幸不爲異種朝廷。

攻陷廬州

一封書信
述全家被
戮狀

所喜魔官更視若仇人。彼之志乃不得遂。此予好機會也。聞彼守廬已二年。今爲天兵某將圍困已久。城中糧食將盡。他處絕無援兵。前來噫。彼雖死守。恐不日卽破陷矣。予旣出峴山。卽見長圍漸合。營壘森然。主將遣人迎予。蓋皆受予優禮之舊恩也。聞予遭不幸。事咸奮臂不平。予反勸止之。囑其立功。自見予必相助。旣而攻城。兵大上。砲聲隆隆。予飭先鋒隊拔刀繼起。城中益惶急。然終不降。是夜仍攻打不已。地雷轟發。城圯及半。遂下令冒險奪入。殺人頗多。然猶巷戰數刻。聞報江某已投水死矣。死時甚勇烈。左右勸其生者。悉爲所逐。亦可謂一好漢矣。旣入城。予卽居府署。蓋予雖係新來之客軍。而位分較高。俱欲推予爲領袖故也。

十九日曉。寅刻予整隊入廬州城。安插未定。忽又得某將差人送來專信。某亦予親信人也。知其書中必有所言。未拆。封不覺淚下。及閱。果一封血淚書耳。爰手錄其詞。王爺四表叔大人憲鑒。自大駕出城後。北府卽有人來探。望聞王已去。驚愕憤恨。予恐覆巢無完卵。卽欲設法護送王太妃等遠行避。

謹防刺客

禍。豈。知。北。府。又。已。探。得。午。後。卽。有。親。兵。百。人。蜂。擁。來。府。謂。須。迎。王。太。妃。等。入。北。府。宴。會。婉。言。却。之。則。洵。洵。不。許。狀。益。猛。烈。竟。逼。太。妃。登。輿。餘。均。上。馬。世。子。不。肯。行。數。人。挾。持。之。鬪。而。敗。卒。爲。所。縛。如。捕。叛。逆。矣。抵。北。府。人。皆。知。無。能。幸。免。予。急。報。某。將。九。門。金。吾。欲。要。於。途。而。刼。之。豈。知。人。情。冷。煖。世。態。炎。涼。某。見。北。府。勢。盛。乃。盡。將。王。爺。之。恩。德。付。之。東。流。矣。既。欲。保。其。地。位。豈。肯。稍。事。干。涉。且。勸。北。府。速。下。毒。手。以。免。後。禍。哀。哉。王。太。妃。等。十。三。人。入。北。府。後。遂。從。此。不。復。相。見。可。憐。骨。肉。盡。飽。貪。狼。之。饞。吻。尙。何。言。哉。尙。何。言。哉。予。亦。棄。家。遁。南。城。根。某。寺。爲。僧。聞。其。後。捕。得。予。輩。與。王。有。關。係。者。不。論。何。人。盡。殺。之。及。有。關。係。者。既。畢。則。凡。一。語。爲。王。辨。寃。者。亦。必。置。之。死。地。嗟。乎。暗。無。天。日。莫。此。爲。甚。聞。王。已。克。廬。州。北。府。憾。甚。不。日。派。刺。客。過。江。以。遂。其。殘。殺。之。願。幸。王。始。終。謹。防。之。惟。珍。愛。不。宣。某。合。十。上。言。予。讀。此。書。酸。楚。爲。生。平。第。一。遭。蓋。老。母。年。七。十。二。妻。氏。賢。淑。妾。三。人。皆。有。才。色。者。子。六。人。女。二。人。一。家。骨。肉。天。倫。完。聚。竟。爲。北。韋。草。薤。禽。獮。此。仇。不。報。何。以。爲。人。心。如。轆。轤。幾。不。能。自。持。旋。念。功。名。未。

已得廬州
出示安民

趙如龍好
色

建。又。復。振。奮。誓。必。一。雪。此。恥。而。後。已。中。夜。起。舞。引。杯。自。澆。塊。壘。夜。不。能。寐。起。走。全。署。自。衙。齋。及。堂。陛。蹀。躑。往。來。殆。數。十。百。遍。從。者。有。倦。容。予。獨。精。神。奕。奕。猶。如。日。中。時。雖。甚。無。謂。不。顧。也。又。聞。北。韋。遣。英。王。陳。玉。成。來。追。亦。殊。不。畏。蓋。陳。兵。力。雖。強。而。與。吾。尙。有。感。情。當。不。至。逼。人。太。甚。卽。反。顏。相。向。亦。必。以。死。禦。之。何。畏。哉。

二十日晨起發布安民告示數十通廬州城已完全反正天朝之福不淺也惟念戮力同心師武臣力固亦不乏其人而何以同室操戈中朝無遏絕之大力彼奸人得志橫梗中懷肢體縱勇健何益於事是日遣裨將陳某往取舒城六安桐城務七日內通道安慶直下九江則予圖鄂之志遂矣派遣者爲總天佐趙如龍黃蓋忠楊中眼等以趙爲主帥其人頗偉岸勇猛絕倫惟好色不禁淫掠且必令部下得婦女者獻其魁一御卽棄之顧有異稟婦女遭其鋒者亦往往不能自存活也嗟夫小民苦矣然才可用不能不略其末節也午後予忽腹痛甚劇疑犯痧氣諸軍弁率以藥裹進予笑謝之惟持八

石氏用酒
澆愁

石氏孤忠
自誓

石氏圖蜀
之本意

記室陶大
猷獻計

段錦法想發火燒身則邪自除而身漸泰蓋予本習此也晚稍振作黃天將
勸予少飲酒可養生亦忠告也但予自遭變後心緒惡劣非酒無以澆愁不
惜違良友之箴規甘以身試狂藥予之過矣作書請天王修德用賢期集大
事但未知蒙見聽否予讀屈原傳嘗不勝爲之扼腕裂眦今予之身何如但
予已位列五等之上不爲不顯達固未可以屈原自貶孰知得禍乃慘於屈
原乎伍子胥報父讎鞭平王屍三百自謂快意然假外權以自重未有不終
至一敗塗地者吳亡於越其明證也而伍胥之罪重矣予性騖鈍萬不及蘆
中一老則當謹守繩尺不敢有二心惟自望天王之悔悟耳雖然江浙奢靡
蕩人心志彼輩爭權奪利未始不由乎此予欲矯以堅苦樸儉予若得如諸
葛輔蜀保天國西隅則私心怦怦以爲較愈於屈氏之自沈并差強於伍胥
之倒楚也予之志如此惜予不能獲當世通人持以就正予惟自信此心之
無他耳約越三月出發并有向城後大擄掠不留雞犬之謠予心大懼
二十日卯刻起遣一兵齎書往天京訖卽擬頒令以黃蓋忠留守廬州而派

石氏不納
姬妾

立一女館

完人婚姻

隊南行。記室陶大猷言。王師疲甚。似宜多息一二日。且舒城之消息未至。或待陸成樞得手後。再行拔隊。何如。予以爲然。遂命暫駐。是日某軍官獻一美女。謂王左右無人。以此姑侍巾櫛。慰寂寥。予意不然。諭之曰。爾等愛我誠切。然亦知予心不在家室之樂乎。我輩正宜臥薪嘗膽。以圖寸進。若徒以美色爲娛。上行下效。與彼等不義之人何異。況予老母髮妻。甫遭毒害。予心哀痛正盛。又豈暇以色爲驩。此尤爲不可者也。若以爲常論。則予亦不欲擄人子女。供己蹂躪。願此後爾輩更勿爲此。卽爾輩亦當以救國救民存心。切勿多造淫孽。軍官慚沮而退。予乃詢此女之家世居處。則固紳富之女。家屬均流離散失。無所依歸。泣求庇護。其詞淒婉。動人。予乃爲之另立一女館。以前日破城時所獲之婦女附之。然懼予南行後。此女終不免遭強暴。乃急爲擇配。旋得一文士。亦城中人。令女自相之。願嫁此人。否則瞿然似相識。士人驚呼。此予中表妹李蕙英也。詰其詳。則士人程殿玉本女之未婚夫。特以家中落女父嫌其貧而思別嫁。故迄今未成婚。不意突遭兵禍。致離散耳。予爲之鼓

孝思不匱

石氏體貼
人情

致書忠王
李秀成

石氏舊疾
復作

掌。亟。令。在。署。中。成。婚。二。人。皆。感。激。流。涕。呼。予。爲。義。父。予。受。其。一。拜。自。謂。若。一。
念。貪。淫。卽。破。人。婚。姻。造。孽。匪。淺。然。此。女。遇。合。甚。奇。若。令。好。事。文。人。爲。之。點。綴。
豈。非。巧。姻。緣。後。案。哉。是。夕。予。飲。酒。樂。甚。可。知。爲。人。能。行。善。卽。是。天。下。第。一。樂。
境。但。一。念。全。家。遭。難。不。知。蒼。蒼。者。能。否。鑒。諒。予。心。資。予。母。以。冥。福。也。哀。哉。人。
各。有。幸。有。不。幸。如。予。之。遇。北。韋。此。女。之。遇。予。苦。樂。豈。可。道。里。計。耶。
二十一日。天雨。與程殿玉。講論古今史事。興亡程所言頗有見意。欲挽之入。
營。佐。軍。謀。憫。其。新。婚。約。至。鄂。後。相。邀。程。亦。欣。然。觀。其。一。對。璧。人。鴛。鴦。同。命。令。
人。回。憶。少。年。時。代。中。心。惻。惻。也。陸。之。消。息。仍。不。至。決。計。明。日。成。行。下。午。開。霽。
後園桃花盛開。又不勝感觸。欲哦小詩。忽聞蘇省軍情失敗。因阻興。遂作一。
書。告。李。秀。成。勉。以。支。持。危。局。未。知。得。達。與。否。
二十二日。早餐後。予忽舊疾復作。蓋前在長沙。被創。遇困。憊。輒。作。惡。自。遭。北。
韋。之。難。連。日。頓。挫。幸。尙。未。大。劇。至。此。乃。不。支。身。熱。頭。痛。力。不。能。強。起。亟。覓。醫。
未。得。程。殿。玉。自。言。知。醫。服。其。藥。神。志。果。稍。清。自。是。南。行。又。生。一。曲。折。矣。李。蕙。

英介一嫗爲予按摩扶持頗愜意也。

二十三日予疾稍愈然肢體無力仍不離牀褥盼陸信甚亟心懸懸然晚臥頗適。

陸某已克舒城

二十四日陸某以卯刻信至已克舒城進取桐城不禁躍然而起命卽日成行程殿玉夫婦來勸予再養一日予言居此亦鬱鬱不如藉馳行以快意蓋予固天性好動也伊等亦不更勸但訂後約依依如家人婦子予稍紓無家之感矣雖然蓼莪之思豈可淡哉。

石氏秋毫無犯

二十五日早出郊卽見天柱山高矗雲表奇峯鬱蒼循山坡行村墟尙有居人予前隊已布諭不必驚惶輜重車方饒足萬不宜擾及民間一草一木人家頗有設香案迎予者噫予何德何能不過稍稍存心便得佳譽足見仁政如時雨孔孟名言不欺我也予疾初愈緩轡徐行頗得春山之樂忽前諜報有滿兵從霍山來橫衝而過不免開仗予命前鋒隊暫伏山側庶不使被截爲二先以中權取攻勢勝則不追敗則前鋒與後勁包圍之不患其橫決也。

滿兵從霍山來石氏第二次惡戰

瀟兵大敗

部署既定。塵囂乍上。殺戰之聲驟起。予自渡江至此。方第二次惡戰。而此次較廬州尤甚。蓋廬州處客位。助人垂成之勢。此乃獨當一面。且事起倉猝也。顧趙部下悉精銳。所向披靡。滿兵已飢疲。直如虎入羊羣。殺傷過當。生者亦潰逃。部下遵予之命。亦不戀戰。遂收隊前進。獲衣物糧食甚多。並資彼等三日飽矣。惟此戰閱時頗多。比事定。天色已昏。黑彌望。亂山曠野。絕少人烟。心頗猶豫。擬支帳爲度。宿計陶參軍進言曰。此間荒漠。四周無險。可阨。不若至前村黃石嶺。下有民居。寺宇可以扼守。予曰。距此幾何里。君有把握否。陶乃出一僕告予曰。此卽黃石嶺。下人也知其地勢。卽以彼爲鄉導。當無不可。因下令銜枚疾走。約月上時抵嶺。下蓋已二十餘里矣。士卒甚疲。紛紛置鍋造飯。喘息甫定。遽入睡。鄉予據一蘭若之方丈。倚榻閱書。朦朧欲寐。忽聞馬蹄聲。雜以山樹作撼撼響。因疑駭。自語曰。今日無風。胡有此變。急呼從者出覘。有風否。報以無乃。召陶君起告。以變態。陶君亦惶恐。覓其僕。則已遁。知有變。傳令趙等入帳。方集議間。前哨果警報敵軍至矣。倉皇調發。則村前已縱火。

計禦襲營

石氏嫻熟
兵略

撫慰兵士

入舒城住
楚王祠中

光熊熊照人予遂急令前鋒隊出村後自督中營馬步禦之敵軍殊出不意銳氣頓挫戰數合殺傷相當夜間黑暗互相蹂躪者過半居民之遭殃不可問矣敵兵知已有備亦漸退却前鋒驟起蹙之敵兵大驚節節向前退却予傳令不追蓋恐士卒疲勞時爲人所算也是役幸予早發覺尙未至十分狼狽然所失較前所得已不足償惟村民無辜大遭蹂躪亦可謂不幸矣陶君請罪予恕慰之但言古人謂細人之言不可信良訓也終夜擾擾車殆馬煩軍士咸苦損失噴有煩言俱歸咎陶君指其僕通欺魔敵予諄告諸弁以地勢占勝之故若在野更不堪設想且兵家之守常以待變衆始釋然二十六日晨起拔隊行檢死傷兵士約百之一用撫循慰問一周衆心翕然午後申刻抵舒城則陸某已迎於城外予命軍士環城爲營僅携營務處及親兵百人入城城中頗破敗予心惻然予是夕安頓於楚王祠中因其屋宇較寬敞陸某本欲以縣署相讓後得祠趾予心契焉祠中有園亭林石幽秀爲一城冠齋館清閒花香馥郁令人忘戎馬倥傯之感也予連日勞動至

石氏戒絕
女色

聞女鬼呼
冤

女鬼告狀

是睡甚酣。適陸君又以婦女進侍。予却之。且諄諄勸以整肅軍紀。積德成名。陸唯唯。退然。陶君有副記室孔君。年且五十餘矣。竟擁一妖姬而眠。予後始察之。薄其爲人。諷陶君遣去。予謂飲食男女人之大欲。存焉。聖賢所稱寧能自外。況兵戈之際。法紀無存。安怪人心之輒作僥倖耶。雖然。乘人之危。君子不取。正以此覘操守矣。予好夜坐。啜茗。搆思。祠館幽寂。更愜。予心。至夜深臥醒。復起挑燈。更坐一小僕侍立。方俯仰自得。忽聞有聲。飄飄然。僕色變曰。鬼也。予笑而不應。有頃。聲益近。已迫窗外。僕駭極。欲仆以予。在尙能竭力支撐。予血戰十年。所歷怪異之事。不可勝記。鬼何能爲。遂笑而注視之。聲亦卒不敢入室。方欲更臥。則聲又作矣。嗚嗚咽咽。如有所訴。諦聽之。似呼冤。予乃問若何爲。若有冤可訴。我當能爲汝伸雪。則言已爲一守節孤孀。辛苦十年。撫育一子。忽遭兵寇。爲陸部下某弁擒而縛之。於楊。強污妾身。復辱予子。將又以強力使爲龍陽君。妾所望者。此子若一經墮落。門祚何望。知公正人故敢訴冤。希以此子付姻戚某君。則妾戴德地下矣。予慨然諾之。始稱謝。遂寂然。

弔民伐罪
之本旨

又得桐城

無聲語時。其音細如蠅蚊。幸夜深人靜。尚能力辨也。詰日。予卽傳陸至。令交出某弁訊之。知不可諱。立携孀婦子至。果眉目清秀。則已披飾更裝。收爲義子矣。予略詰之。忽墮淚。述母慘死事甚悉。予乃立命縛某弁殺之。懸首祭某孀婦。畢其戚姻。亦至。卽以子畀之。令其教以讀書。上進。後聞成名。儒云。予此事頗快人意。舒城人莫不歌功頌德。實則一舉手之勞耳。常語部下宜體此意。庶不負吾輩弔民伐罪之本旨。奈軍中及歹人不察。予心何予。又命陶記室撰爲筆記存之。亦以慰乃婦之靈於地下也。

二十七日早起。又得桐城恢復之信。遂拔隊起程。由舒至桐。計八十八里。午後申刻。卽至本可。未刻至因。途中北峽山下有泛水。不可渡。斬竹木爲筏。始登彼岸。多費一時半矣。是時滿敗兵縱橫山間。輒至各村落擄掠爲患。見天兵卽鼠竄去。厥狀可笑。又可憾焉。

二十八日。予居桐城縣署中。爲陸部署一切。出示安民。此次滿兵不戰而潰。殺人亦不多。城中街市無焚毀者。人民頗安堵。桐城文風甚好。予欲求得方

石氏不喜
顧揚

石氏勤於
吏治

泛舟遊菜
子湖

石氏醉後
悲感

氏姚氏子孫與之談論惜多避去來者殊虛聲純盜不足滿人意然以名譽故亦禮貌而遣之人皆知予好文矣或有獻詩文以頌揚予者反覺其太無價值蓋人孰不好諛而惡直但洞達世情則必惡其敷衍之無謂况其專以虛僞欺人人品尚可問乎故孔子曰今之愚也詐文人尤甚即如今日擢燒文字之浩劫未始非若輩釀成之也書畢爲之浩歎城東南有菜子湖小有風景陸知予好遊乃具舟以待予視案頭文書充積亟須勾當期以明日晚少飲酒仍批牘不輟皖南北天兵所至皆知予來此爭求指示機宜歸予統轄矣至夜深猶持禿筆揮灑陶等亦助予不能寐聞陶已納妾殊辜負香衾也至四鼓始就枕

二十九日晨卯即起泛舟遊菜子湖湖形如花瓣側出曲折有幽致水漣漪可弄柳陰漁艇絕不知世界有兵爭事亦一角桃源也風日晴明暖可御袷予顧而樂之賓僚俱以酒相屬予遂酩酊作詩數首醉後稿亦失去此三月申無此樂久矣然樂極悲生又忽念及老母臨年被戮不覺長號大慟臨流

放聲四山皆若響應。漁人爭來集視。聞予所由悲有爲之泣。下者足見人心有同然。不以異類視予。北韋何心獨殘。及異姓手足嗟乎。懷汝萬里。長城此檀公所以投幘大呼曰。皆欲裂也。夕陽西下。舍舟而騎。衆皆以予醉。恐致傾跌。勸令乘輿。噫。予戎馬半生。髀肉將長。敢以荒嬉廢本色乎。坦然挽轡。亦復無恙。返署。猶縱談聞安慶亦得手。擬明日往視師。不禁神爲一旺。縱論戎機至夜半始寢。

石氏決計
舍安慶赴
鄂

道出潛山

三十日。忽急足報。某天將已入安慶。于王洪氏與之偕。予念彼皆北韋黨也。相見恐有齟齬。不如勿往。且彼既得手。予又何必貪天之功。遂決計取道西南。速赴鄂地。或道九江一視。以天將汪氏方圍九江。一時不下。告急於予。以九江長江孔道。鄂東門戶。理當重視。乃命改道出潛山。不復作皖垣信宿想矣。束裝已就。而安慶有牘來促予。卽往措詞極懇切。噫。古人所謂幣重言甘。恐誘我也。擲書不視。拔隊西行。遙望天柱支峯蒼翠欲滴。令我徘徊策騎數十里。吟興大發。然不能成句。因心有所注。遂致齟齬。駐老河安慶之不能。